

Perbelanjaan sektor swasta pacu ekonomi negara

Perbelanjaan sektor swasta pacu ekonomi negara

KUALA LUMPUR: Pertumbuhan ekonomi pada separuh kedua tahun ini dan 2023 akan dipacu oleh perbelanjaan sektor swasta terutamanya sektor pelancongan yang kembali normal seperti sebelum Covid-19.

Gabenor Bank Negara Malaysia, Tan Sri Nor Shamsiah Mohd. Yusoff berkata, pihaknya optimis Keluaran Dalam Negara Kasar (KDNK) akan berkembang antara 5.3 peratus hingga 6.3 peratus bagi keseluruhan 2022, setelah mengambil kira pertumbuhan global yang perlahan.

Katanya, aktiviti pelaburan akan menerima manfaat dari pada projek-projek pelaburan beberapa tahun seperti MyDigital, Laluan Bel Pantai Timur (ECRL) dan Laluan Transit Antarabangsa 3 (LRT3).

"Rantalan bekalan juga dijangka semakin mudah apabila gangguan berkaitan Covid-19 berkurangan dan perdagangan global yang perlahan mengantikan beberapa tekanan pada masa hadapan.

"Ini akan mengimbangi jangkaan kesederhanaan dalam pertumbuhan global," katanya pada sidang akhbar pengumuman KDNK suku kedua 2022 di Sasana Riang, di sini semalam.

Sementara itu, beliau memberitahu, ekonomi domestik akan didorong oleh pasaran barulah yang bertambah baik dan telah menunjukkan peningkatan berterusan seiring dengan aktiviti ekonomi yang lebih kukuh.

Menurutnya, pertumbuhan yang lebih baik pada suku kedua disokong pertumbuhan pengambilan pekerja yang mantap.

"Pengangguran jatuh dengan ketara, dan pengambilan semula pekerja yang diberhentikan kekal kukuh. Data frekuensi tinggi daripada Pertubuhan Keselamatan Sosial (Perkeso) menunjukkan penurunan berterusan dalam pemberhentian dan aktiviti pengambilan pekerja yang agak kukuh pada suku kedua.

"Pada asas tahun ke tahun, gaji nominal sektor swasta bertambah baik sejajar dengan aktiviti ekonomi dengan mencatatkan pertumbuhan lebih tinggi sebanyak 7.8 peratus pada suku kedua.

"Ini sebahagiannya disokong oleh kenaikan gaji minimum dan didorong oleh pengumuman dalam kedua-dua gaji sektor perkhidmatan dan pembuatan," ujarnya.